

Ժողովուրդ

51
(2717)

7 ապրիլի ուրբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՄԱՆԻՊՈՒԼԱՑՆՈՒՄ ԵՆ ԶԵԿՈՒՅՑԸ



ՀՀ արդարադատության նախարարն ապրիլի 5-ին հայտարարություն էր տարածել եւ հայտարարել, թե Հայաստանը կարողացել է «դուրս գալ ԳՐԵԿՈ-ի գնահատման անհամապատասխանության գործընթացից՝ այլևս չհամարվելով «համընդհանուր անբավարար» կատարողական ունեցող երկիր, որպիսին համարվում էր 2015-2019թթ. գնահատումների արդյունքներով»: Խոսքը Եվրոպայի խորհրդի կողմից պաշտոնապես հրապարակված ԵՆ կոռուպցիայի դեմ պայքարող պետությունների խմբի (ԳՐԵԿՈ)՝ ՀՀ դատավորների, դատախազների, պատգամավորների շրջանում կոռուպցիայի կանխարգելման գնահատման միջանկյալ զեկույցի մասին է: Բնականաբար, այս ամենից կարող էր տպավորություն լինել, թե, իբր, նախկիններն անբավարար էին աշխատում, իսկ այժմ առաջընթաց կա, սակայն, ինչպես հաճախ է պատահում, ամեն ինչ այնքան էլ այդպես չէ: Օրինակ՝ 2016 թ. փետրվարի 25-ից մինչև 2017 թ. հոկտեմբերի 31-ն ընկած ժամանակահատվածում ընդհանուր 18 հանձնարարականից 5-ը ԳՐԵԿՈ-ն գնահատել էր բավարար կամ բավարար կերպով, 12 հանձնարարական՝ մասամբ իրականացված, եւ միայն մեկը՝ չկատարված: Ընդհանուր առմամբ, տարբեր տարիների զեկույցների ուսումնասիրությունը վկայում է այն մասին, որ 2019 թվականին GRECO-ի զեկույցով առաջին անգամ կոռուպցիայի դեմ պայքարի ցուցանիշներով Հայաստանը դասվել էր «ընդհանուր անբավարար» երկրների շարքում, ինչը չէր եղել, օրինակ, Նույն նախկինների՝ Սերժ Սարգսյանի կառավարման տարիներին: Այսինքն՝ հերթական անգամ իշխանությունների խոսքերն ու իրականությունը իրար չեն համապատասխանում:


«Ժողովուրդ» օրաթերթի տեղեկություններով՝ ԱԺ ԶՊ խմբակցության պատգամավորները կուսակցության վարչության վերջին նիստից հետո մտափոխվել են Ալեն Սիմոնյանի մասով: Կասկածում ԱԺ նախագահի մասնակցությամբ տեղի ունեցած աղմկահարույց միջադեպից հետո իշխող ֆրակցիայի պատգամավորները, ոմանք՝ ներքին գրույցներում, իսկ ոմանք էլ անթաքույց լրատվամիջոցների հետ գրույցում հայտարարում էին, որ ֆրակցիան պետք է քննարկի նրա մասնակցությամբ միջադեպը: Պատգամավորներից մի քանիսն էլ, հավանաբար առաջին նախագահի առաջարկից ոգեւորված, հայտարարում էին, որ ֆրակցիան ԱԺ նախագահի պաշտոնանկության հարց պետք է քննարկի: Բայց, արի ու տես, ԶՊ վարչության վերջին նիստից հետո իշխող ֆրակցիայի ներսում տրամադրություններ են փոխվել: «Ժողովուրդ» օրաթերթը գրել էր, որ նիստին ոչ Ալեն Սիմոնյանի մասնակցությամբ միջադեպը, ոչ էլ նրա պաշտոնանկության հարց չի քննարկվել: Թե որն է ԶՊ-ականների մտափոխության պատճառը, հասկանալի չէ: Հավանաբար, Ալեն Սիմոնյանին, չնայած ԶՊ մի թեւի ջանքերին, հաջողվել է պատգամավորների հետ լեզու գտնել: «Ժողովուրդ» օրաթերթի հետ գրույցում ԶՊ խմբակցության պատգամավոր Վահագն Ալեքսանյանը, անդրադառնալով այս հարցին, ասաց, որ ոչ Ալեն Սիմոնյանի մասնակցությամբ միջադեպը, ոչ էլ նրա պաշտոնանկության հարց, առհասարակ, ֆրակցիան չի քննարկել:



«Ժողովուրդ» օրաթերթի տեղեկություններով՝ ԱԺ «Քաղաքացիական պայմանագիր» խմբակցության պատգամավոր Հովիվ Աղազարյանի եւ Տիգրանյան փողոցում կարտոֆիլ վաճառող Արթուր Հակոբյանի միջև տեղի ունեցած միջադեպի գործը քննիչները մի կողմ են դրել եւ ավելի կարեւոր գործերով են զբաղված: Այսինքն՝ իշխանական պատգամավորի մասնակցությամբ տեղի ունեցած խուլիգանական արարքը չի քննվում: Ավելին՝ «Ժողովուրդ» օրաթերթի տեղեկություններով՝ այս գործը կկարճվի, քանի որ այդպես է ցույց տալիս ընթացքը: Բանն այն է, որ կարտոֆիլ վաճառող Արթուր Հակոբյանը միջադեպից հետո որպես կասկածյալ ձերբակալվել էր ու կարճ ժամանակ անց ազատ արձակվել: Իրավապահները լսել էին նաեւ պատգամավոր Աղազարյանին, ու մինչ օրս գործով այլ քննչական գործողություններ չեն կատարվել, քրեական գործով չկա մեղադրյալ, Արթուր Հակոբյանի նկատմամբ էլ քրեական հետապնդում չի իրականացվել: Դատելով իրավիճակից՝ իրավապահները հասարակական բուռն արձագանքից հասկացան, որ ԶՊ-ական պատգամավոր Աղազարյանը, մեղմ ասած, սարքել էր վաճառական քաղաքացու գլխին, եւ այլընտրանք չունեն, քան քրեական գործը կարճելը: Հիշեցնենք, որ պատգամավորը մարտի 3-ին աշխատանքի գնալու ճանապարհին՝ Տիգրանյան հասցեում, կարտոֆիլի վաճառքով զբաղվող Հակոբյանի հետ վեճ էր ունեցել, ոտքով հարվածել առեւտրականի կարտոֆիլի պարկերին ու երկու պարկ թափել փողոցում: Միջադեպի պատճառը «կարտոֆիլների փողոց» անունով հայտնի փողոցում կարտոֆիլ վաճառելն է եղել, որը դուր չէր եկել Աղազարյանին:



Ընդդիմադիր եւ իշխանական պատգամավորների միջև միջադեպի պատճառ դարձած Հռոմի կանոնադրության շուրջ կրքերը չեն հանդարտվում: Ինչպես հայտնի է, մարտի 24-ին ՀՀ Սահմանադրական դատարանը հայտարարեց, որ Միջազգային քրեական դատարանի հիմք հանդիսացող Հռոմի ստատուտը համապատասխանում է երկրի Սահմանադրությանը, եւ Հայաստանի կառավարությունը կարող է շարունակել համաձայնագրի վավերացման գործընթացը: Այս հանգամանքից հետո տարաբնույթ հայտարարություններ հնչեցին նաեւ այն մասին, թե այս քայլով Հայաստանը նաեւ դեմ է գնում ՌԴ-ին, եւ Արեւմուտքի պատվերով Վլադիմիր Պուտինը կծերբակալվի, հենց Երեւան մտնի: Սակայն ՍԴ-ի որոշումով կոնվենցիան ամենեւին էլ չի համարում վավերացված եւ չի կարող գործել: Իսկ ի՞նչ է սպասվում. բանն այն է, որ, ըստ ՀՀ Սահմանադրության 116-րդ հոդվածի, Ազգային ժողովն է վավերացնում միջազգային պայմանագրերը, այսինքն՝ առանց խորհրդարանի հաստատման Հռոմի ստատուտը չի կարող ուժի մեջ մտնել: Հստակ ժամկետներ կան այն ԱԺ ուղարկելու մասով. ՍԴ որոշումից հետո Հայաստանի կառավարությունն ունի երեք ամիս՝ ստատուտի վավերացման հարցը խորհրդարան ուղարկելու համար: Մեր տեղեկություններով՝ այս պահի դրությամբ իշխանությունները դեռեւս վերջնական որոշում չունեն կոնվենցիայի մասով, համենայնդեպս, գործադիրը դեռ օրենսդիր մարմին չի ուղարկել ստատուտը:



ՎԵՐՋՆԱԿԱՆ ՔՆՆԱՐԿՈՒՄ

ԸՍՏ ԻՇԽԱՆՈՒԹՅԱՆ՝ ՎԵՏՆԱՂԱՆՔ ՉԿԱ

«Ժողովրդի իշխանության կամ ժողովրդավարության սեանկյունից որևէ հեճուղանք չկա»,- Արցախի ՄԻՊ-ը Սահմանադրական բարեփոխումների նախագծի մասին: Ինչպես արդեն հայտնի են, դեռևս փեթվարից Արցախի նախագահ Արայիկ Հարությունյանը Սահմանադրության փոփոխության գործընթաց է սկսել, ըստ որի՝ ֆորմա-ժողովին իրավիճակներում հանրադատության նախագահի դաժանը բա- փուր մնալու դեպքում նախագահի ընտրության իրավունքը վերադրվում է խորհրդարանին: Նախագիծը ԱԺ-ում առաջին ընթերցմամբ քննարկվելուց հետո ուղարկվել է Գերագույն դատարան, դատարանի համաձայնությունը ստանալուց հետո այն կրկին կվերադառնա ԱԺ՝ արդեն վերջնական քննարկման:



Գերագույն դատարանում է, մինչև դատարանի որոշումը չլինի, մենք որեւէ ձեռնով դիրքորոշում չենք արտահայտելու: Իհարկե, որոշ մարդկանց մոտ կարող է ողջամիտ կասկած առաջանալ, որ մենք որեւէ ձեռով արդարադատության նկատմամբ միջամտություն ենք իրականացնում, դրա համար նախորդ անգամ էլ ՄԻՊ-ը սպասեց, մինչև պրոցեսը Գերագույն դատարանում ավարտվեց, ուղարկվեց ԱԺ, եւ մինչև ԱԺ-ի կողմից վերջնական ընդունվելն արդեն ՄԻՊ դիրքորոշումը հրապարակվեց: Այսինքն՝ այս առումով մենք շատ զգուշավոր ենք աշխատում, որպեսզի որեւէ դեպքում չդիտարկվի որպես միջամտություն կամ ուղղորդում:

Ենթադրում է, որ միայն ռազմական դրության պայմաններում ժամանակավոր նախագահ ընտրելու հնարավորություն է ընձեռվում ԱԺ-ին: Մենք այս նախագծի մասով էլ մեր դիրքորոշումը կարտահայտենք, բայց, իհարկե, այս անգամ չի լինելու այնպես, ինչպես նախորդի դեպքում, որովհետեւ այստեղ կոնկրետ ժողովրդի իշխանության կամ ժողովրդավարության տեսանկյունից որեւէ հետնահանգ չկա: Մենք պետք է հասկանանք, թե որքանով է մարդու իրավունքներին առնչվում այս նախագիծը. սա հասկանալուց հետո մեր դիրքորոշումը կհայտնենք: Նախորդ նախագիծը հստակ էր, որ կոնկրետ առնչվում է մարդու իրավունքներին. օրինակ՝ նախորդ առաջարկով Սահմանադրության երկրորդ գլուխը, որն ամբողջությամբ առնչվում է մարդու իրավունքներին, ուղղակի հնարավոր էր փոփոխել ԱԺ պատգամավորների կողմից՝ առանց հանրաքվեի, եւ սա մեզ համար մտահոգիչ էր, որ իրավունքների բաժինը պետք է վերապահել ժողովրդին, այսինքն՝ ժողովուրդը պետք է որոշի իր իրավունքները, ոչ թե ԱԺ-ն: Այս առաջարկի դեպքում մենք պետք է գնահատենք՝ որքանով է այն մարդու իրավունքների համար հետեւանքներ առաջացնում: Եթե գնահատականը լինի, որ մարդու իրավունքների վրա կարող է վատթարացնող կամ այլ ազդեցություն ունենալ, դրանից հետո սոր միայն կարծիք կհրապարակենք:

Նախորդ նախագծի դեպքում Ղուբ բացասական եզրակացություն էիք ներկայացրել. ինչո՞վ է այս նախագիծը տարբերվում նախորդից:

Նախնական կարող եմ ասել, որ այս նախագիծը նախորդից տարբերվում է նրանով, որ նախորդի դեպքում Սահմանադրության անգամ այն հոդվածները, որոնք հանրաքվեի միջոցով փոփոխության պետք է ենթարկվեին, ԱԺ-ն կկարողանար փոփոխել: Այն ժամանակ մեր արտահայտած դիրքորոշումը կայանում էր նրանում, որ դրանում էինք տեսնում վտանգը, որ ժողովրդից, փաստորեն, վերցվում էր երկրի մայր օրենքը փոխելու այդ կարելու լծակը եւ հնարավորությունը, իսկ առաջարկված այս տարբերակում նման բան չկա: Այս տարբերակը ինքնին

ենթադրում է, որ միայն ռազմական դրության պայմաններում ժամանակավոր նախագահ ընտրելու հնարավորություն է ընձեռվում ԱԺ-ին: Մենք այս նախագծի մասով էլ մեր դիրքորոշումը կարտահայտենք, բայց, իհարկե, այս անգամ չի լինելու այնպես, ինչպես նախորդի դեպքում, որովհետեւ այստեղ կոնկրետ ժողովրդի իշխանության կամ ժողովրդավարության տեսանկյունից որեւէ հետնահանգ չկա: Մենք պետք է հասկանանք, թե որքանով է մարդու իրավունքներին առնչվում այս նախագիծը. սա հասկանալուց հետո մեր դիրքորոշումը կհայտնենք: Նախորդ նախագիծը հստակ էր, որ կոնկրետ առնչվում է մարդու իրավունքներին. օրինակ՝ նախորդ առաջարկով Սահմանադրության երկրորդ գլուխը, որն ամբողջությամբ առնչվում է մարդու իրավունքներին, ուղղակի հնարավոր էր փոփոխել ԱԺ պատգամավորների կողմից՝ առանց հանրաքվեի, եւ սա մեզ համար մտահոգիչ էր, որ իրավունքների բաժինը պետք է վերապահել ժողովրդին, այսինքն՝ ժողովուրդը պետք է որոշի իր իրավունքները, ոչ թե ԱԺ-ն: Այս առաջարկի դեպքում մենք պետք է գնահատենք՝ որքանով է այն մարդու իրավունքների համար հետեւանքներ առաջացնում: Եթե գնահատականը լինի, որ մարդու իրավունքների վրա կարող է վատթարացնող կամ այլ ազդեցություն ունենալ, դրանից հետո սոր միայն կարծիք կհրապարակենք:

Ձրուցե՞ք ՔՐԻՍՏԻՆԱ ՄՈՒՇԵՂՅԱՆԸ

ԳԱՏԱԽԱԶԸ ԿԳԱ



«Ժողովուրդ» օրաթերթի տեղեկություններով՝ ՀՀ գլխավոր դատախազ Աննա Վարդապետյանը կմտնի խորհրդարան «Հայաստան» խմբակցության պատգամավոր Միեր Սահակյանի հետեւից: Նրա նկատմամբ պետք է քրեական վարույթ հարուցվի: Այս պահին իրավապահները հետեւում են քննության ընթացքին, որպեսզի վերջնական որոշում կայացնեն, թե Աննա Վարդապետյանը կոնկրետ ինչ պահանջով մտնի խորհրդարան՝ միայն անձեռնմխելիությունից զրկելու, թե նաեւ կալանքի միջնորդությամբ: Ասել է թե՛ Միեր Սահակյանի կալանքի հարցը դեռ երեկվա դրությամբ որոշված չէր, իսկ թե ինչ կլինի այսօր կամ վաղը, կհետեւենք զարգացումներին:

Իսկ հիմա այն մասին, թե ինչ հարցեր էին երկն տալիս քննիչները ԱԺ պատգամավորներին. որտե՞ղ էիք դուք նստած, ինչի՞ց սկսվեց վեճը, Միեր Սահակյանի ձեռքին ինչ-որ իր տեսլ էք, որով նա հարվածել է Վլադիմիր Վարդանյանին, թե՞ ոչ, որտե՞ղ ընկավ Վլադիմիր Վարդանյանը, եւ այսպես շարունակ: Նկատենք, որ ՔՊ պատգամավորներից որեւէ մեկը հստակ չի ասել, որ Միեր Սահակյանի ձեռքին որեւէ իր է եղել, որով նա հարվածել է Վարդանյանին:

Քննիչները հետաքրքրվում են պատգամավորի ձեռքում եղած ինչ-որ առարկայի մասին, քանի որ Վլադիմիր Վարդանյանն է իր հաղորդման մեջ հստակ նշել, որ Միեր Սահակյանը աջ ձեռքում գտնվող ինչ-որ առարկայով հարվածել է իր ծախս հոնքին: Միեր Սահակյանը պնդում է, որ բռնուցքով է հարվածել:

ԻՐԱՎԻՃԱԿ

ՇՎԵԴԻԱ-ՐԱՅԱՍՏԱՆ ԲԱԲԵԿԱՄԱԿԱՆ ՐԱՆԻՊՈՒՄ

«Օրես խորհրդարանում հանդիպեցին Շվեդիա-Հայաստան բարեկամական խմբի ղեկավար Բյորն Սյոդերի գլխավորած դասվիրակության անդամների հետ», - հայտնի է ԱԺ մարդու իրավունքների դաժանության եւ հանրային հարցերի մեծական հանձնաժողովի նախագահ, անկուսակցական Թագուհի Թովմասյանը:



մաններում արցախահայությունը պայքարում է ողջ մնալու համար:

Շեշտադրեցի Արցախի ժողովրդի ինքնորոշման իրավունքի իրացման

իրատապ անհրաժեշտությունը՝ ակնկալելով Շվեդիայի աջակցությունն այս հարցում:

ԽՈՒԼԻԳԱՆԱԿԱՆ ՊԱՅՎԱԾՔ

ՄԻ ԲԱՆԻ ՕՐԻՆԱԽԱԽՏՈՒՄ՝ ՄԵԿ ՕՐՈՒՄ

ՆՈՐ ՀԱՎԱՔՆԵՐ



Կառավարության այսօրվա նիստում հաստատվեց վարժական հավաքներ անցկացնելու նախագիծը, ըստ որի՝ նախատեսվում է 2023թ. մայիսի 1-ից մինչև հուլիսի 7-ը անցկացնել պահեստազորայինների վարժական հավաքներ: Կառավարության նիստում հաստատվեց ռազմատրանսպորտային պարտականություններ ունեցող մարմիններից տրանսպորտային միջոցների ներգրավման կարգը, սահմանվում են վարժական հավաքների անցկացման նպատակները, ներգրավող պահեստազորայինների կազմերը, քանակները, ներգրավման ժամկետները, ներգրավող տրանսպորտային միջոցների տեսակները, քանակները և ներգրավման ժամկետները: Կարժական հավաքներին կներգրավվի մինչև 2715 քաղաքացի, որոնցից 2431-ը՝ շարքային և կրտսեր ենթասպայական կազմերի, 124-ը՝ ավագ ենթասպայական կազմի, 160-ը՝ սպայական կազմի պահեստազորայիններ՝ համազորային (մոտոհրաձգային, կապի, հետախուզական, ինժեներական), հրթիռահրետանային մասնագիտություններով:

Կարժական հավաքների ապահովման համար, 2023 թվականի մայիսի 1-ից մինչև հուլիսի 7-ը ներառյալ, ռազմատրանսպորտային պարտականություններ ունեցող մարմիններից կներգրավվեն մինչև 278 միավոր տրանսպորտային միջոց՝ յուրաքանչյուր տրանսպորտային միջոցի ներգրավումը ոչ ավելի, քան 7 օրացույցային օր ժամկետով, բացառությամբ ճանապարհաշինարարական տրանսպորտային միջոցների, որոնց ներգրավումը՝ ոչ ավելի, քան 25 օրացույցային օր ժամկետով:

440 ՄԼՆ՝ ՍՅՈՒՆԻՔԻ ՄԱՐԶԻՆ

Ավելի քան 440 մլն դրամ հատկացվեց Սյունիքի մարզում 40 կրթահամալիրի կառուցման նախագծանախահաշվային աշխատանքները սկսելու համար: ArmLur.am-ը տեղեկացավ, որ, ընդհանուր առմամբ, նախատեսվում է Սյունիքի մարզում ստեղծել թվով 40 կրթահամալիր, որոնցից 7-ը՝ Կապանում, 33-ը՝ Սյունիքի մարզի մյուս 7 խոշորացված համայնքում:

Որոշման նախագծով նախատեսվում է, որ այս նպատակով կբլետրաբաշխվի 440 մլն 290 հազար դրամի չափով գումար, որը կուղղվի կրթահամալիրների ստեղծման համար անհրաժեշտ նախագծանախահաշվային փաստաթղթերի տեղակայմանը և փորձաքննությանը: Ընդհանուր առմամբ, կառուցվելու է 36 կրթահամալիր, 3 մոդուլային դպրոց, որոնց կառուցումը սկսվել էր ավելի վաղ: Տեղի թիվ մեկ դպրոցը, որի շենքային պայմանները լավ վիճակում են, վերափոխվելու է կրթահամալիրի:

Ապրիլի 4-ին ՀՀ ԱԺ-ում սեղի ունեցած Մարզու իրավունքների դաժնամոլության և հանրային հարցերի մեծական հանձնաժողովի նիստում, երբ դեմ է ընդգրկել իշխանական ԲԳ կամ ընդդիմադիր երկու՝ «Պատիվ ունեն» և «Հայասան» խմբակցությունների կողմից ներկայացված օմբուդսմենի թեկնածուներից մեկը, սեղի են ունեցել մի քանի հանցագործություններ:

Ցանկանում ենք տեղեկացնել, որ նախ խախտվել են «ՀՀ ԱԺ պատգամավորի գործունեության և երաշխիքների մասին» ՀՀ օրենքի 3-րդ հոդվածով նախատեսված Պատգամավորական էթիկայի կանոնները, այն է՝

- հարգել հանրության բարոյական նորմերը,
- պահպանել Ազգային ժողովի, նրա հանձնաժողովների նիստերի և խորհրդարանական լսույների անցկացման կարգը,
- իր գործունեությամբ նպաստել Ազգային ժողովի նկատմամբ վստահության և հարգանքի ձեւավորմանը,
- ամենուր և ցանկացած գործունեությամբ զբաղվելիս դրսևորել պատգամավորին վայել վարքագիծ,
- հարգալից վերաբերմունք ցուցաբերել քաղաքական ընդդիմախոսների, Ազգային ժողովում հարցերի քննարկման մասնակիցների, լրագրողների, ինչպես նաև բոլոր այն անձանց նկատմամբ, որոնց հետ պատգամավորը շփվում է իր լիազորություններն իրականացնելիս:



ԱԺ «Քաղաքացիական պայմանագիր» խմբակցության պատգամավորները, հատկապես՝ խմբակցության քարտուղար Արթուր Յովհաննիսյանը, խախտել են «ՀՀ ԱԺ պատգամավորի գործունեության և երաշխիքների մասին» ՀՀ օրենքը: Նրանք անարգել են հանրության բարոյական նորմերը, չեն պահպանել ԱԺ հանձնաժողովի նիստի անցկացման կարգը, պատգամավորին վայել վարքագիծ չեն դրսևորել, ՀԱՐԳԱԼԻՑ վերաբերմունք չեն ցուցաբերել իրենցից տարբերվող կարծիք ունեցողներին, քննարկման մասնակիցների նկատմամբ: Հիմա ամեն ինչի մասին՝ փաստերով: ԱԺ ԲԳ խմբակցության քարտուղար Արթուր Յովհաննիսյանը նիստի սկզբում

սպառնաց, որ ընդդիմադիր խմբակցությունների կողմից ներկայացված ՄԻՊ թեկնածուն ռեպլիկներ չանի, մինչդեռ բոլոր ներկա ԲԳ-ականները տեղից ռեպլիկներ էին անում: Ահա Նիկոլ Փաշինյանի կերտած ժողովրդավարությունը, խոսքի ազատության պահպանության դրսևորումները և ԲԳ խմբակցության կողմից իրականացված սադրանքներն ու հանցանքները: Սրանք փաստեր են 4.5 ժամ տևած ԱԺ հանձնաժողովի նիստից, եւ յուրաքանչյուրը կարող է դատել, թե ինչ օրինախախտումներ են թույլ տվել իշխանական խմբակցության պատգամավորները և քարտուղար Արթուր Յովհաննիսյանը: **ՆԱԻՐԱ ՅՈՎՀԱՆՆԻՍՅԱՆ**

ՕՐՎԱ ԽՃԱՆԿԱՐ

ՖՐԱՆՍԻԱՆ ԴԵՄ Է

Ֆրանսիան դեմ է միջուկային զենքի տարածման այն ունեցող երկրների սահմաններից դուրս և կարելու է համարում բացառել դրա կիրառման հնարավորությունը Ուկրաինայի ներկայիս հակամարտությունում: Այս մասին հիմնադրաբար հայտարարել է Ֆրանսիայի նախագահ Էմանուել Մակրոնը Պեկինում Չինաստանի նախագահ Սի Չինփինի հետ հանդիպումից հետո կայացած մամուլի ասուլիսում:

«Ֆրանսիան համակարծիք է ՉԺՀ-ի հետ այն հարցում, որ միջուկային զենքը պետք է բացառվի այս հակամարտությունից: Սա նշանակում է, որ պետք է հետել այս ոլորտում առկա միջազգային պայմանագրերին: Նաեւ ոչ մի դեպքում միջուկային զենքը չպետք է տեղակայվի այն երկրներից դուրս, որոնք տիրապետում են դրան, հատկապես՝ Եվրոպայում», - ասել է նա:

«ԿԻՆ ԲԱՎԱՔԱԿԱՆ ԱՌԱՋՆՈՐԳՆԵՐ»

142,5 հազար եվրո գումար կվճարվի «Կին քաղաքական առաջնորդներ» (Women Political Leaders-WPL) միջազգային ցանցին: Որոշման հիմնավորման մեջ նշվում է. «2023թ-ի հոկտեմբերի 19-ից 20-ը Երեւանում նախատեսվում է անցկացնել «Կանանց դերը ժողովրդավարության, խաղաղության և անվտանգության խթանման գործում» խորագրով գագաթնաժողովը: Որպես միջոցառման համակարգավորիչներ հանդես են գալու Հայաստանը՝ ի դեմս ՀՀ ԱԳՆ-ի, և «Կին քա-



ղաքական առաջնորդներ» (Women Political Leaders-WPL) միջազգային ցանցը: ՀՀ-ում ներպետական համաձայնեցման փուլից հետո ՀՀ ԱԳՆ-ի և WPL միջեւ ստորագրվել է Փոխըմբռնման հուշագիր, որով Հայաստանը՝ որպես հյուրընկալող կողմ, կազմակերպությանը պետք է փոխանցի 190 հազար եվրո: Նշենք, որ Երեւանում անցկացվելիք միջոցառմանը նախատեսվում է 200-ից 250 բարձրաստիճան պաշտոնյաների, կին գործիչների մասնակցություն:

ՀՐԱԺԱՐԱԿԱՆ Է ՆԵՐԿԱՅԱՑՐԵԼ

Ֆինլանդիայի վարչապետ, Սոցիալ-դեմոկրատական կուսակցության նախագահ Սաննա Մարինն երեկ հանրապետության նախագահ Սաուլի Նիինիստյոյին կառավարության հրաժարականի դիմում է ներկայացրել: «Ես ընդունում եմ Ձեր հրաժարականի դիմումը և հուսով եմ, որ կառավարությունը

նր կշարունակի կատարել պարտավորություններն այնքան ժամանակ, քանի դեռ նորը չի նշանակվել»,- Նիինիստյոյի խոսքը մեջբերել է Yle լրատվամիջոցը: Նշվում է, որ նախագահը շնորհակալություն է հայտնել Մարիննի դժվար տարիներին համագործակցության համար: Ընդդիմադիր Ազգային պահպանողական կուսակցության նախագահ Պետերի Օրպոն, որը հաղթանակ է տարել ապրիլի 2-ին կայացած խորհրդարանական ընտրություններում, հաջորդ շաբաթ կսկսի նոր կառավարություն կազմելու շուրջ նախնական բանակցությունները: Չորեքշաբթի օրը Մարինը հայտնել էր, որ ընտրություններում պարտվելուց հետո կթողնի Սոցիալ-դեմոկրատական կուսակցության նախագահի պաշտոնը և կշարունակի իր քաղաքական գործունեությունը որպես խորհրդարանի պատգամավոր: Կիրակի օրը կայացած ընտրություններում նրա կուսակցությունը քվեների քանակով զիջել է ընդդիմադիր Ազգային պահպանողական կուսակցությանը և «Իսկական ֆիններ» կուսակցությանը:

ՄԵՂԱԴՐԱՆՔ

ՆԱԽԱՔՆՆՈՒԹՅՈՒՆՆ ԵՎ ԱՐՏՎԵԼ Է

ՀՀ հակակոռուպցիոն կոմիտեում իրականացված ֆրեական վարույթի ընթացքում բացահայտվել են ՀՀ ֆրեական սարողական ծառայության «Գասադարսյակների հիվանդանոց» ֆրեական սարողական հիմնարկի օդերասիվ բաժնի ղեկի սեղակալ Ա. Ա.-ի կողմից նույն ՔԿՀ-ի կալանավորից եւ դասադարսյակից կաշառք ստանալու դեպքեր:



Նախաքննությամբ ապացույցներ են ձեռք բերվել այն մասին, որ Ա. Ա.-ն ՔԿՀ հիմնարկի դատապարտյալ Ա. Ա.-ի օգտին հովանավորչության եւ թողտվության, այն է՝ վերջինիս նկատմամբ բարեհաճ վերաբերմունք դրսեւորելու եւ խնդիրներ չստեղծելու, ինչպես նաեւ արգելված առարկա հանդիսացող բջջային հեռախոսը չառգրավելու համար դատապարտյալից պահանջել է 200.000 ՀՀ դրամ կաշառք: Դրանից հետո՝ 2022 թվականի մայիսի 30-ին, կաշառքի հիշյալ գումարը դատապարտյալ Ա. Ա.-ի կնոջ բանկային հաշվից փոխանցվել է ՔԿՀ պաշտոնյայի՝ Ա. Ա.-ի կնոջ անվամբ գրանցված, սակայն փաստացի Ա. Ա.-ի կողմից տնօրինվող բանկային հաշվին:

խանցվել է պաշտոնատար անձի կնոջ բանկային հաշվեհամարին:

Այսպիսով, կատարված բանկային փոխանցումներով ՔԿՀ պաշտոնատար անձը երկու դեպքում ապօրինի գործողությունների համար կաշառք է ստացել:

Նախաքննության ընթացքում «Դատապարտյալների հիվանդանոց» ՔԿՀ-ի դատապարտյալ Ա.Ա.-ին եւ կալանավոր Ա. Ղ.-ին մեղադրանք է ներկայացվել 436-րդ հոդվածի 2-րդ մասի 3-րդ կետով, իսկ հիշյալ ՔԿՀ-ի օպերատիվ բաժնի պետի տեղակալ Ա. Ա.-ին մեղադրանք է ներկայացվել ՀՀ քրեական օրենսգրքի 435-րդ հոդվածի 2-րդ մասի 3-րդ կետով (2 դրվագ):

Ա. Ա.-ի նկատմամբ որպես խափանման միջոց է կիրառվել կալանքը:

Քրեական վարույթով նախաքննությունն ավարտվել է: Վարույթի նյութերը՝ մեղադրական եզրակացությամբ, հանձնվել են հսկող դատախազին՝ այն հաստատելու եւ դատարան ուղարկելու միջնորդությամբ:

Ծանուցում. հանցագործության համար մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԼՈՒՐԵՐ

ԿՐԱԿԵԼ Է ԿՆՈՋ ՎՐԱ

Ապրիլի 5-ին «Սուրբ Գրիգոր Լուսավորիչ» բժշկական կենտրոնից ոստիկանության Քանաքեռ-Զեյթունի բաժնի հարդորում էր ստացվել, որ Գոգոյի փողոցի շենքերից մեկի մի բնակարանից ուղքի հրազենային վնասվածքով բուժօգնության է տեղափոխվել 32-ամյա մի կին:

Հիվանդանոց մեկնած օպերատիվ խումբը պարզել է, որ ժամը 09:35-ին Նորաշխարհյան փողոցի շենքերից մեկի մոտ՝ «Միցուրիշի» մեքենայի սրահում տեղի ունեցած վիճաբանության ժամանակ կնոջ օդանցիչ ատրճանակից կրակել է, ապա ատրճանակի բռնակով հարվածներ էր հասցրել 34-ամյա ամուսինը, ինչից հետո մեքենայով դիմել էր փախուստի:

Ոստիկանության Գեղարքունիքի մարզային վարչության, Մարտունու բաժնի եւ Գեղարքունիքի մարզի ՊԾ ծառայողների ձեռնարկած միջոցառումների շնորհիվ 34-ամյա տղամարդը Լիճք գյուղում հայտնաբերվել է, ձերբակալվել եւ տեղափոխվել է ոստիկանության Մարտունու բաժնի:

Կազմված փաստաթղթերը ներկայացվել են նախաքննական մարմին:

Փաստի առթիվ նախաձեռնվել է քրեական վարույթ:

ՄՊԱՆՈՒԹՅԱՆ ԳԵՂՔԻ ԱՎԱՐՏ

ՀՀ քննչական կոմիտեի Գեղարքունիքի մարզային քննչական վարչությունում իրականացված քննչական եւ վարույթային գործողությունների արդյունքում ձեռք բերված փաստական տվյալներով հիմնավորվել է, որ 2022թ. դեկտեմբերի 18-ին՝ ժամը 20:15-ի սահմաններում, Երեւանի 49-ամյա բնակիչը, գտնվելով իր ծանոթի՝ Գավառ համայնքի Սայադյան փողոցում գտնվող բնակարանում, ծանոթացել է Երեւանի 32-ամյա բնակչի հետ, որը եւս հյուրընկալվել էր նույն բնակարանում: 49-ամյա տղամարդն իր ծանոթի հետ օդի է օգտագործել, որի ընթացքում 32-ամյա տղամարդը, գտնվելով նշված տան առաջին հարկի հյուրասենյակում, իր մոտ է կանչել 49-ամյա տղամարդուն: Նրանց միջեւ կենցաղային հարցերի շուրջ վիճաբանություն է առաջացել, որի ընթացքում վերջինս 32-ամյա տղամարդուն ապօրինաբար կյանքից զրկելու դիտավորությամբ սուր կտրող-ծակող գործիքով չորս հարված է հասցրել նրա մարմնի տարբեր մասերին՝ պատճառելով կյանքի հետ անհամատեղելի մարմնական վնասվածքներ:

Բացի այդ, 49-ամյա տղամարդն իր նախկին կնոջ նկատմամբ սպանության փորձ կատարելու համար ազատագրված դատապարտվելուց եւ 2022թ. մայիսին պատժի կրումից ազատվելուց հետո 2022թ. մայիսի 24-ից 30-ն ընկած ժամանակահատվածում, պարբերաբար զանգահարել է կնոջը, սպառնացել նրան, որ կսպանի, որն առաջացրել է այդ սպառնալիքն իրական համարելու իրական վտանգ եւ վախ:

Ձեռք բերված բավարար փաստերի հիման վրա՝ Երեւանի 49-ամյա բնակչին մեղադրանք է ներկայացվել՝ ՀՀ քրեական օրենսգրքի 155-րդ հոդվածի 1-ին մասով եւ 194-րդ հոդվածի 1-ին մասով: Նրա նկատմամբ որպես խափանման միջոց է կիրառվել կալանավորումը: Նախաքննությունն ավարտվել է, քրեական վարույթի նյութերը՝ մեղադրական եզրակացությամբ, ուղարկվել են դատարան:

ՄԵՂԱԴՐԱՆՔ

ԽԱՐԴԱՆՈՒԹՅԱՄԲ ԳՈՒՄԱՐ Է ՀԱՓՇՏԱԿԵԼ

ՀՀ հակակոռուպցիոն կոմիտեում իրականացված ֆրեական վարույթով ձեռք բերված ապացույցներով հիմնավորվել է, որ Ս. Հ.-ն, զբաղեցնելով ՀՀ բննչական կոմիտեի Երեւանի ֆիննչական վարչության Աջափնյակ եւ Գավառի վարչական շրջանների բննչական բաժնի ավագ բննչի դաստիարակ, ծառայողական լիազորություններն օգտագործելով, խաբեության եղանակով սուժողից հավիճակել է 204.000 ՀՀ դրամ:



Մասնավորապես՝ պարզվել է, որ քննիչ Ս. Հ.-ն քրեական վարույթով իրականացված նախաքննության ընթացքում 2022 թվականի սեպտեմբեր-հոկտեմբերին, իր աշխատասենյակում տվյալ վարույթով տուժող Ս. Բ.-ից շահադիտական նպատակով իբրեւ իրենցին ապացույց պահանջել է ստացել է 204.000 ՀՀ դրամ՝ Ս. Բ.-ին կեղծ հավաստիացումներ տալով, թե, իբր, հիշյալ գումարն անհրաժեշտ է նախաքննության արդյունավետության եւ քրեական վարույթի օրինական ընթացքն ապահովելու համար:

քննիչ Ս. Հ.-ին մեղադրանք է ներկայացվել՝ ՀՀ քրեական օրենսգրքի 255-րդ հոդվածի 2-րդ մասի 2-րդ կետով (խաբեության կամ վստահությունը չարաշահելու եղանակով հափշտակություն կատարելու համար):

Նախաքննության ընթացքում Ս. Հ.-ն իրեն մեղավոր է ճանաչել եւ տվել խոստովանական ցուցումներ: 2022 թվականի հոկտեմբերի 12-ին Ս. Հ.-ի նկատմամբ կիրառվել է «պաշտոնից ազատում» կարգապահական տույժ, եւ վերջինս ազատվել է զբաղեցրած պաշտոնից:

Քրեական վարույթով նախաքննությունն ավարտվել է: Վարույթի նյութերը՝ մեղադրական եզրակացությամբ, հանձնվել են հսկող դատախազին՝ այն հաստատելու եւ դատարան ուղարկելու միջնորդությամբ:

● Ըստ ոստիկանության տվյալների՝ ապրիլի 5-ից 6-ը Հայաստանի Հանրապետությունում բացահայտվել է հանցագործության 72 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԵՌԱԿՈՄՊԼԵԿՏ ԳԱՍԱՐԱՆՆԵՐ

Տասնյակներ շարունակվող արտագաղթի, նաեւ հանրապետության ներսում այլ բնակավայրեր տեղափոխվելու հետևանքով Տավուշի մարզի փոքր եւ սահմանամերձ գյուղերի հանրակրթական դպրոցներում քիչ թվով աշակերտներ են սովորում: Աշակերտների թվի սակավության հետևանքով այդ բնակավայրերի դպրոցներում գործում են երկկուսակետ դասարաններ, երբ տարբեր տարիքի երեխաները մեկ դասարանում են սովորում: Ի պատասխան «Ժողովուրդ» օրաթերթի տեղեկատվական հարցման՝ Տավուշի մարզպետարանից հայտնել են, որ Տավուշի մարզի հանրակրթական 75 դպրոցներից 25-ում՝ Խաչարձանի, Աղավաճանի, Ենոքավանի, Զովքի, Բերքաբերի, Ներքին Ծաղկավանի, Լուսաձորի, Լուսահովտի, Աճարկուտի, Դիտավանի, Կիրանցի, Ալևադյուրի, Գոշի հիմնական, Իծաքարի, Զինջինի, Վարագավանի, Այգեպարի, Մովսեսի, Զորթանի, Նորաշենի, Զինարիի, Դեղձավանի, Արճիսի, Զուգեանի, Բարեկամավանի դպրոցներում գործում են երկկուսակետ դասարաններ, Բերքաբերում միաժամանակ առկա է նաեւ եռակուսակետ դասարան: Մոսվես գյուղի դպրոցը, որ երկկուսակետ դասարան է գործում, խորհրդային ժամանակ ունեցել է մոտ 1100 աշակերտ: Հիմա Մոսկվայի դպրոցներում դասարաններ կան, որտեղ աշակերտների մեծամասնությունը մովսեսցի ծնողների զավակներ են:

ԱՃԻԱՏՈՂՆԵՐԸ ԶԵՆ ԿՐՃԱՏՎՐ

Տավուշի մարզպետ Հայկ Ղալումյանը մարտի 21-ին որոշում է ընդունել դադարեցնել Տավուշի մարզպետարանի թվով 7 բաժինների՝ ֆինանսական եւ սոցիալ-տնտեսական զարգացման վարչության ֆինանսատնտեսագիտական բաժնի, քաղաքաշինության վարչության տրանսպորտի եւ ճանապարհաշինության բաժնի, գյուղատնտեսության եւ բնապահպանության վարչության բնապահպանության բաժնի, քարտուղարության վարչատնտեսական բաժնի, ընտանիքի, կանանց եւ երեխաների իրավունքների պաշտպանության բաժնի, տեղական ինքնակառավարման եւ հանրապետական գործադիր մարմինների հարցերով վարչության հանրապետական գործադիր մարմինների տարածքային ստորաբաժանումների գործունեության համակարգման բաժնի, տեղական ինքնակառավարման եւ հանրապետական գործադիր մարմինների հարցերով վարչության տեղական ինքնակառավարման եւ համայնքային ծառայության հարցերի բաժնի գործունեությունը: Տավուշի մարզպետ Հայկ Ղալումյանին հարցում են ուղարկել, թե մարզպետարանի 7 բաժինների գործունեության դադարեցման հետևանքով քանի աշխատակից է կրճատվել: Մարզպետարանից ստացված պատասխանում նշված է, որ այդ 7 բաժինների գործունեությունը դադարեցվել է ՀՀ վարչապետի՝ «Հայաստանի Հանրապետության մարզպետարանների աշխատակազմերի կանոնադրությունները հաստատելու մասին» թիվ 1550-Լ որոշման հիման վրա, այդ որոշման հիմքով այդ բաժինները միավորվել են այլ ստորաբաժանումների հետ, ինչի արդյունքում որեւէ հաստիք չի կրճատվել:

ՈՍՎԱՆ ՍՈՐՈՍՅԱՆ Տավուշ

ՊԵՏՈՒԹՅՈՒՆ

ՎԱՐՈՐԴԸ ՄԱՄՆԱԿԻ ՎԵՐԱԿԱՆԳՆԵԼ Է ՎՆԱՍԸ

ԳԱՀԿ աշխատակից, փաստացի ՀՀ արդարադատության նախկին նախարար Հ.Թ.-ի վարորդ հանդիսացող Ա.Հ.-ն մասնակի վերականգնել է ՊԵՏՈՒԹՅԱՆ ՊԱՏՃԱՌՎԱԾ ՎՆԱՍԸ: Հ.Թ.-ի նկատմամբ ոչ ռեաբիլիտացիոն հիմքով ֆրեական հեռադնդում չի հարուցվել: Այս մասին տեղեկացնում են Գլխավոր դատախազությունից:



«2023 թվականի մարտի 27-ի դատավճռով՝ Ա.Հ.-ն մեղավոր է ճանաչվել այն բանի համար, որ 2011 թվականի ապրիլի 22-ից մինչև 2015 թվականի ապրիլի 22-ը օժանդակել է Արդարադատության նախարարության ԴԱՀԿ նախկին պետ Ա.Պ.-ի կողմից պաշտոնեական դիրքն օգտագործելով, վատնման եղանակով ուրիշի առանձնապես խոշոր չափերով գույքի՝ 5 մլն 712 հազար 550 դրամի հափշտակությանը (քրեական գործի (վարույթի) նախաքննության ընթացքում Ա.Հ.-ն վերականգնել է պատճառված վնասի մի մասը՝ 2 մլն 985 հազար դրամը):

2020 թվականի դեկտեմբերի 20-ին քրեական վարույթը մեղադրական եզրակացությամբ ուղարկվել է դատարան: Դատարանի՝ 2023 թվականի մարտի 27-ի դատավճռով՝ Ա.Հ.-ն մեղավոր է ճանաչվել Քրեական օրենսգրքի 38-179-րդ հոդվածի 3-րդ մասի 1-ին կետով նախատեսված հանցանք կատարելու համար (վատնման եղանակով առանձնապես խոշոր չափերով հափշտակության օժանդակություն), եւ նրա նկատմամբ նշանակվել է պատիժ՝ 4 տարով ազատազրկում: 2018 թվականի նոյեմբերի 1-ին ընդունված «Էրեբունի-Երեւանի հիմնադրման 2800-ամյակի եւ Հայաստանի առաջին հանրապետության անկախության հռչակման 100-ամյակի կապակցությամբ քրեական գործերով համաներում հայտարարելու մասին» ՀՀ օրենքի 2-րդ հոդվածի 1-ին մասի 1-ին կետի կիրառմամբ՝ Ա.Հ.-ն ազատվել է նշանակված պատիժից: Նույն դատավճռով բավարարվել է նաեւ պատճառված վնասի չհատուցված մասի՝ 2 մլն 727 հազար 550 դրամի վնասը վերականգնելու վերաբերյալ դատախազի հայցը:

Հաշվի առնելով «Սահմանադրական դատարանի մասին» ՀՀ սահմանադրական օրենքի 9-րդ հոդվածի 7-րդ մասի՝ դատավորի եւ դատական իշխանության հեղինակության ու անկախության նկատմամբ հարգանքի պահանջը՝ նշված քրեական վարույթի ընթացքում ապահովվել է գաղտնիությունը, ինչի պատճառով հանրությունը չի տեղեկացվել, որ քրեական վարույթը վերաբերել է նաեւ ՀՀ արդարադատության նախկին նախարար Ա.Հ.-ին: Սակայն նկատի ունենալով, որ նշված վարույթով արդեն իսկ Սահմանադրական դատարանի դատավորի նկատմամբ կայացվել է ոչ ռեաբիլիտացիոն հիմքով քրեական հետապնդում չիրականացնելու մասին վերջնական որոշում (նրա նկատմամբ քրեական պատասխանատվության ենթարկելու վաղեմության ժամկետն անցնելու հիմքով քրեական հետապնդում չի իրականացվել, որի իրավաչափությունը հաստատվել է նաեւ Առաջին ատյանի եւ վերաքննիչ դատարանների կողմից), տեղեկացնում ենք, որ նշված որոշմամբ հաստատված է համարվել, որ Հ.Թ.-ն, հանդիսանալով ՀՀ արդարադատության նախարար եւ 2013 թվականի հուլիսի 16-ից տեղեկացված լինելով Ա.Հ.-ին ՀՀ ԱՆ դատական ակտերի հարկադիր կատարման ծառայություն-

վել, որ քրեական վարույթը վերաբերել է նաեւ ՀՀ արդարադատության նախկին նախարար, ներկայումս ՀՀ սահմանադրական դատարանի դատավոր Հ.Թ.-ին: Սակայն նկատի ունենալով, որ նշված վարույթով արդեն իսկ Սահմանադրական դատարանի դատավորի նկատմամբ կայացվել է ոչ ռեաբիլիտացիոն հիմքով քրեական հետապնդում չիրականացնելու մասին վերջնական որոշում (նրա նկատմամբ քրեական պատասխանատվության ենթարկելու վաղեմության ժամկետն անցնելու հիմքով քրեական հետապնդում չի իրականացվել, որի իրավաչափությունը հաստատվել է նաեւ Առաջին ատյանի եւ վերաքննիչ դատարանների կողմից), տեղեկացնում ենք, որ նշված որոշմամբ հաստատված է համարվել, որ Հ.Թ.-ն, հանդիսանալով ՀՀ արդարադատության նախարար եւ 2013 թվականի հուլիսի 16-ից տեղեկացված լինելով Ա.Հ.-ին ՀՀ ԱՆ դատական ակտերի հարկադիր կատարման ծառայություն-

ում գլխավոր հարկադիր կատարող Ա.Պ.-ի կողմից պաշտոնի նշանակելու, սակայն փաստացի իր վարորդի գործառնության պարտականությունները կատարելու մասին, Ա.Հ.-ին ավելի բարձր վարձատրելու, կոչում շնորհելու, աշխատանքային փորձ ձեռք բերելու հնարավորությունից չզրկելու անձնական շահագրգռվածությունից ելնելով, Ա.Հ.-ի կողմից պաշտոնից բխող պարտականությունները չկատարելու կանխելու կապակցությամբ միջոցներ չի ձեռնարկել: Ավելին, Հ.Թ.-ն 2013 թվականի հուլիսի 13-ին ստորագրել է թիվ 158-Ա հրամանը, որով ՀՀ ԱՆ ԴԱՀԿ տեղեկատվական տեխնոլոգիաների ներդրման եւ համակարգի ավտոմատացման բաժնի առաջին կարգի խորհրատառու, Նույն ծառայության օպերատիվ բաժնի առաջին կարգի մասնագետ Ա.Հ.-ին, որը փաստացի հանդիսացել է նախարարի վարորդը, հատկացվել է ծառայողական զենք», - նշված է հարդրագրության մեջ:

ՀԱՍՏԱՏՎԵՑ

ՈՒՄԱՆՈՂՆԵՐԻ ՈՒՄԱՄԱՆ ՎԱՐՉԻ ՓՈԽՐԱՏՈՒՑՈՒՄ

Կառավարությունն իր երեկվա՝ ապրիլի 6-ի նիստում ընդունել է որոշում՝ ՀՀ բարձրագույն ուսումնական հաստատություններում նույնպիսի ձևով ուսման վճարի փոխհատուցում (լրիվ կամ մասնակի զեղչ) եւ ղեակական կրթաբոլորակային կարգում հեռավար ուսուցմամբ սովորող ուսանողներին ուսման վարձավճարի փոխհատուցում հասկացնելու անհրաժեշտությամբ, ինչպես նաեւ ուսանողներին ուսման վարձի փոխհատուցում հասկացնելու ընթացքում հայցմաբերված խնդիրներով դայմանավորված:

Գործող կարգով ուսման վարձի լրիվ կամ մասնակի փոխհատուցում է հատկացվում որոշակի խմբերին պատկանող ուսանողներին, որոնք սովորում են Հայաստանի Հանրապետությունում գործող, հավատարմագրում ունեցող եւ ըստ մասնագիտությունների պետության կողմից ուսանողական նպաստի ձեռով ուսման վարձի լրիվ փոխհատուցմամբ տեղեր ունեցող բուհերում առկա կամ հեռակա ուսուցման ձեւերով:

Փոփոխության արդյունքում կապահովվի հեռավար ուսուցմամբ սովորող ուսանողներին ուսման վարձի փոխհատուցում հատկացնելու համար օրենսդրական հիմք, ինչպես նաեւ առկա խնդիրների շտկումը: Այն հնարավորություն կտա Լեռնային Ղարաբաղի եւ Վրաստանի Սամցխե-Ջավախք ու Քվեմո-Քարթլի նահանգներում գրանցված եւ բնակվող ծագումով հայ օտարերկրյա քաղաքացիներին մրցութային կարգով, հաշվի առնելով բարձր գնահատականները, ստանալու նպաստ ուսման վարձի լրիվ փոխհատուցման միջոցով:

● Անցած 1 օրվա ընթացքում Հայաստանի Հանրապետությունում արձանագրվել է 6 ՃՏՊ. 1 մարդ զոհվել է, 6-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

ՀՐԱՊԱՐԱՐԱՅԻՆ ԾԱՆՈՒՑՈՒՄ
«Բի Էս Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդի համապատասխան փուլերով «դասական» (գնի բարձրացմամբ), այսուհետև «հոլանդական» (գնի նվազեցմամբ) եղանակներով: Աճուրդի ընթացքում վաճառվելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտը:

Կոտայքի մարզ, համայնք Հրազդան ք., միկրոշրջան թաղամաս, 114 շենք, 29 հասցեում գտնվող 72,98 ք.մ. բնակարան: Լոտի մեկնարկային գինը՝ 11600000 ՀՀ դրամ:

Լոտի նկատմամբ սահմանափակումները՝ գույքը գրավադրված է:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 25.04.2023թ.-ին, ժ. 12:00-ին դասական եղանակով, այսուհետև յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի վավարող՝ 25.05.2023թ.-ին: Աճուրդի մասնակցության նախաձեռնարկը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնարկ վճարվում է «Բի Էս Թի» ՍՊԸ -ի դրամարկղում/աճուրդի կայացման հասցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվեհամարին) կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ և Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաև նախաձեռնարկի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ և աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակցից, աճուրդավարի մորզինի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնարկ վերադարձվում է աճուրդի վավարողից հետո մեկ աշխատանքային օրվա ընթացքում: Նախաձեռնարկ ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առավելագույնը պայմանագիրը, ապա նա կորցնում է իր մուծած նախաձեռնարկը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնարկը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակցների կորուստների ել վճարների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնաբերած անձինք կարող են սույն ծանուցման օրվան հաջորդող օրվանից մինչև աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչև 18:00-ն, այցելել վերը նշված հասցեում եւ ծանոթանալ լոտի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել ամսվում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.ilcbst.am, www.borsa.am կայքերը:

ՄԵԿՆԱՐԿ

ԿԱՐԳՈՒՄ ԱՌԿԱ ԵՆ ՓՈՓՈԽՈՒԹՅՈՒՆՆԵՐ

Հանրադատությունում ապրիլի 15-ից մեկնաբանում է բուհերի ընդունելության ֆինոյությունների հայաստան գործընթացը:

«Արմենպրես»-ի հետ զրույցում ՀՀ ԿԳՄՍ նախարարության գնահատման եւ թեստավորման կենտրոնի տնօրենի տեղակալ Կարո Նասիբյանը տեղեկացրեց, որ այն շրջանավարտները, որոնք ցանկանում են ուսումը շարունակել բուհերում, մինչև մայիսի 10-ը պետք է ներկայացնեն իրենց դիմում-հայտերը:

Նրանք, որոնք այս տարվա շրջանավարտներ են, դիմում են իրենց դպրոցի տնօրենին, իսկ նրանք, որոնք նախորդ տարիների շրջանավարտներ են, կարող են դիմել ԳԹԿ-ի առանձնացրած կրթական հաստատություններ անձնական ծածկագիր ստանալու համար:

«Ինչպես գիտեք, այս տարի շրջանավարտներին երկու անգամ քննություն հանձնելու հնարավորություն է տրվում: Հունվար-փետրվարին արդեն որոշ շրջանավարտներ հանձնել են իրենց քննությունը: Նրանք, որոնք արդեն հանձնել են իրենց քննությունները նախորդ ամիսներին, կարիք չունեն ԳԹԿ նոր անձնական համար ստանալու:

Նրանք օգտվում են իրենց հին անձնական համարից: Դեռ քննություն չհանձնած շրջանավարտները պետք է անայսման ունենան այդ անձնական համարը», - ասաց Կարո Նասիբյանը: Արդեն քննություն հանձնած շրջանավարտները, եթե գոհ են իրենց գնահատականներից, ապա կարող են դրանք օգտագործել մրցույթի համար եւ կրկին քննություն չհանձնել: Եթե չեն բավարարել այդ գնահատականները, ապա կարող են հանձնել նոր քննություններ՝ ներկայացնելով դիմում:

«Դիմում ներկայացնելիս դիմորդ շրջանավարտը նշում է բուհը, մասնագիտությունը, դրա համար պահանջվող քննությունները: Շրջանավարտները քննությունների իրենց գնահատականներով մասնակցում են մրցույթին: Ասեմ, որ մրցույթ անցկացվելու է երկու փուլով: Դիմորդն առաջին փուլից դուրս մնալու պարագայում կարող է մասնակցել նաեւ երկրորդ փուլին:



մորդն առաջին փուլից դուրս մնալու պարագայում կարող է մասնակցել նաեւ երկրորդ փուլին:

Առաջին փուլում նշվում է մեկ բուհ, մեկ մասնագիտություն: Առաջին փուլից դիմորդի դուրս մնալու դեպքում, երբ դիմորդը մասնակցում է մրցույթի երկրորդ փուլին, կարող է նշել 6 բուհ 6 մասնագիտություն, եթե, իհարկե, ունի տվյալ մասնագիտությունների համար դրական գնահատականներ», - ասաց Կարո Նասիբյանը: Այս տարի կառավարության որոշմամբ ընդունելության կարգում կատարվել է փոփոխություն: Երկար ընդամիջումից հետո դիմորդ-շրջանավարտներին կրթության հիմքով տարկետման իրավունքի հնարավորություն է տրվում:

Տարկետման համար առանձնացվել են երեւանի պետական, Հայաստանի ազգա-

յին պոլիտեխնիկական համալսարաններն ու բնագիտական, տեխնոլոգիական, ճարտարագիտական, մաթեմատիկական մասնագիտությունները, որոնք պետության համար առաջնահերթություն ներկայացնող ճյուղեր են: Այս մասնագիտությունների գծով առանձնացվել են անվճար տեղեր, որտեղ ընդունված արական սեռի դիմորդները ստանում են տարկետում ծառայության գորակաչից: Դա գործելու է 4 տարի:

«Ինչպես գիտեք, ուսանողը սովորելու ընթացքում անվճար համակարգից կարող է անցնել վճարովի համակարգ: Ասեմ, որ անվճար ընդունված եւ տարկետում ստացած արական սեռի ներկայացուցիչը վճարովի համակարգ անցնելու դեպքում չի գրկվում տարկետման իրավունքից», - հավելեց Կարո Նասիբյանը:

«ԱՄԵՐԻԿԱ» ԲԱՆԿ

ԿԱՅԱՑԱՅԱՎ Doing Digital ՖՈՐՈՒՄԸ

Երեւանում երեկ տեղի ունեցավ The Doing Digital ֆորումը: Ֆորումի հիմնադիր կազմակերպիչն էր Spring PR ընկերությունը, համակազմակերպիչներն են «Ամերիա» բանկը եւ Spring PR ընկերությունը:

Միջոցառումը կրում էր «Վերափոխելով թվային ապագան» խորագիրը:

Ֆորումի նպատակն էր համախմբել ոլորտի առաջատարներին՝ բացահայտելու թվային փոխակերպման եւ հաղորդակցվելու նորագույն միտումները:

Միջոցառմանը մասնակցում էին նաեւ ՀՀ փոխվարչապետ Միեր Գրիգորյանը եւ Կենտրոնական բանկի նախագահ Մարտին Գալստյանը:

«Ամերիա» բանկի տաղանդների եւ ծառայությունների գծով տնօրեն Արմինե Ղազարյանը ֆորումի բացման ժամանակ իր ելույթում նշեց, որ «Ամերիա» բանկը՝ որպես Հայաստանի ֆինանսական ոլորտի թվային փոխակերպման առաջամարտիկ, վերջին 5-6 տարիներին ստեղծել է ֆին-



Նանսական եւ տեխնոլոգիական վստահելի միջավայր:

Doing digital ֆորումի հիմնադիր, Spring PR ընկերության համահիմնադիր Տաթև-

իկ Սիմոնյանի խոսքով՝ ֆորումի նպատակն է համախմբել էկոհամակարգը եւ Հայաստանը ներկայացնել որպես ինովացիոն տեխնոլոգիաների եւ թվային տրանսֆորմացիայի հար:

Միջոցառման գլխավոր խոսնակ, Ֆինթեքի միջազգային փորձագետ, The Finanser խորհրդատվական ընկերության հիմնադիր Քրիս Սքինները, խոսելով Հայաստանում թվայնացման հեռանկարների մասին, ասում է՝ Հայաստանը կարող է դիրքավորվել որպես տարածաշրջանային թվայնացման ֆինանսական տեխնոլոգիաների կենտրոն:

«Ամերիա» բանկի ինովացիաների եւ թվայնացման գծով տնօրեն Արտյոմ Շամցյանն էլ իր խոսքում շեշտեց, որ «Ամերիա» բանկը թվային փոխակերպման ընթացքում այս ճանապարհով ընթանում է արդեն մի քանի տարի, իսկ ֆորումը հնարավորություն է ստեղծում, որպեսզի ներկայացնեն կուտակած փորձը, եւ թվային փոխակերպումը հասնելի դառնա Հայաստանում:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՄԻՇՏ ԺՊՏՈՒՄ ԵՄ

«Ո՛Վ ԻՄԱՑԱՎ ԱՐՑՈՒՆՔՆԵՐԻՒՄ ՄԱՄԻՆ», ԷՄՄԻ

Ամերիկացու երգչուհի Էմմին «Ինսագրամ»-ում հուզիչ գրառում է կատարել: Երգչուհին վերհիշել է 2011 թվականը, որը նրա կյանքի ամենադժգոյսն էր սխուր շրջանն էր եղել:

«Ժպտում էի: Հոգու դիակ էի՝ կտրված, արժեքներս ու առաջնահերթություններս այլ էին: Հորս մահը եւ մորս չորրորդ աստիճանի քաղցկեղն ուսերիս ծանրացան եւս մի 10 հազար տոննայանոց բեռի հետ, որը մենակ տարա: Ո՛վ իմացավ արցունքներիս մասին, ո՛վ ինձ տխուր տեսավ: Այնքան քիչ բան էր պետք մարդուն մենակ չթողնելու համար, այնքան քիչ, սակայն բոլորը լուռ մնացին, եւ իրականությունը քչերը պատմեցին: Արդյոք վա՛խն էր նրանց հետ պահել, անտարբերությունը, էգոիզմը: Եվ ի՛նչ է փոխելու 12 տարով ուշացած խոստովանությունը: Ոչինչ: Ես ինքս էլ չեմ փոխվել: Միշտ ժպտում եմ: Ո՛վ գիտի արցունքներիս մասին, ո՛վ է ինձ տխուր տեսնում»: Հիշեցնենք, որ 2011 թվականին երկարատեւ հիվանդությունից հետո մահացել է երգչուհու հայրը՝ քանդակագործ Դավիթ Բեջանյանը: Նա հանրությանն առավել հայտնի էր որպես Օպերայի բակում տեղադրված Առնո Բաբաջանյանի արձանի հեղինակ: Իսկ, ահա, կարճ ժամանակ անց՝ 2018 թվականին, մահացավ նաեւ Էմմիի մայրը՝ երգչուհի, ՀՀ մշակույթի վաստակավոր գործիչ Նադեժդա Սարգսյանը: Երգչուհի Էմմիի մայրը երկար տարիներ պայքարում էր քաղցկեղի դեմ: Նրան հաջողվում էր այդ պայքարում հարթող դուրս գալ: Երգչուհին իր հարցազրույցներում նշում էր, որ բժշկի է դիմել Էմմիի եւ իր ընկերների կոչով ու հորդորով: Նադեժդա Սարգսյանը «Հայեր» համույթի եւ մշակութային կենտրոնի գեղարվեստական ղեկավարն էր, «Դո-ռե-մի» մրցույթի եւ վոկալ ստուդիայի հիմնադիրն ու գեղարվեստական ղեկավարը:



2003 թվականից ղեկավարում էր Երեւանի մշակույթի պետական թուղթը: Նշենք, որ Էմմին ամուսնությունից հետո մշտական բնակություն է հաստատել Ամերիկայի Միացյալ Նահանգներում. նա ունի երկու զավակ՝ Դանիելն ու Մարտինը:

ԼԻՂԱ ԵՐԻԱՋՈՐՅԱՆ

ԼՈՒՐԵՐ

«ԿՈՆՎԵՐՍ ԲԱՆԿ»-Ը ՀԱՅՏԱՐԱՐՈՒՄ Է

«Կոնվերս բանկ»-ն հայտարարում է Visa Classic, Visa Gold, Visa Business եւ Visa Platinum վճարային քարտերի տրամադրման արշավ՝ արտոնյալ պայմաններով: Մինչեւ 01.05.2023թ. բանկից ձեռք բերելով նշված Visa քարտատեսակներից որեւէ մեկը՝ քարտապանը կօգտվի միանգամից մի քանի տարի հնարավորությունից՝ - 50% սպասարկման տարեկան վճարի նվազեցված արժեք՝ քարտի գործողության ամբողջ ժամկետի համար, - հաճախորդի ցանկությանը, կախված հիմնական քարտի տեսակից, մեկ այլ անձի կտրվի կից Visa Classic, Visa Gold կամ Visa Platinum քարտ՝ առանց տրամադրման վճարի, - Պրեմիում դասի քարտատեսակներ ձեռք բերելու դեպքում հաճախորդը կարող է ստանալ նաեւ մեկ հավելյալ քարտ՝ Visa PaySticker կամ Visa MiniFob՝ առանց տրամադրման վճարի: Բացի արշավի ընձեռած հնարավորություններից՝ - քարտի գործողության ողջ ընթացքում թե՛ հիմնական, թե՛ կից քարտ ստացած հաճախորդները կմասնակցեն բանկի՝ Visa քարտապանների համար պարբերական արշավներին՝ ստանալով գումարի վերադարձ, ինչպես նաեւ արժեքավոր նվերներ, - քարտի գործողության ողջ ընթացքում կօգտվեն Visa վճարահաշվարկային համակարգի հետաքրքիր եւ տարաբնույթ առաջարկները: Եվս մեկ առավելություն, որ նշեցին «Կոնվերս Բանկ»-ում, պրեմիում քարտապանների համար եզակի առաջարկն է. «Կոնվերս Բանկի պրեմիում քարտապանները մրցակցային մեծ առավելություն ունեն. վճարելով ընդամենը 100 դրամ մուտքի վճար՝ քարտապանը մինչեւ 14 տարեկան երկու երեխայի հետ կարող է անսահմանափակ օգտվել «Ջվարթլոնգ» օդանավայանի Lounge Key-ից»: Մանրամասները՝ conversebank.am, 010-511-211: Բանկը վերահսկվում է ԿԲ կողմից:

ԿՓՈՒՎԵՆ

ԴՐԱՄԱՏԻԿԱԿԱՆՈՒՄ ՓՈՓՈԽՈՒԹՅՈՒՆՆԵՐ ԵՆ ՄՊԱՍՎՈՒՄ

Գյումրու Վարդան Աճեմյանի անվան դեռահաս դրամատիկական թատրոնի՝ սարհներով ձգձգվող խնդիրը լուծում ստացավ. գործադիրն երեկվա նիստում թատրոնի դասուհանների փոխարինման համար հասկացրել է շուրջ 34 մլն դրամ: Այդ մասին «Ֆեյսբուք»-ում գրել է ՀՀ վարչապետի օգնական Նազելի Բաղդասարյանը:

«Գյումրու սրտում գտնվող կառույցի համար սա կենսական կարեւոր հարց էր, որը քննարկել էինք թատրոնի տնօրինության հետ դեռ նախորդ տարի: Կառավարությունը ակնաջալուր եղավ մեր բարձրագույն հարցին, եւ Շիրակի մարզպետարանի ու ՏԿԵՆ-ի հետեւողականության արդյունքում կարողացանք լուծում գտնել: Բոլոր շահագրգիռ անձանց ներգրավվածությունը չափազանց կարեւոր էր: Լիազույս եմ, որ առաջիկայում Հակոբ Հակոբյանի՝ ազգային արժեք ճանաչված «Սարերում» որմնակարը, որը տեղադրված է թատրոնի ճեմարահում, կտեղափոխվի այլ ապահով վայր: Այս հարցով ես կա վարչապետի հանձնարարականը», - նշված է գրառման մեջ:



ՄՈՑԻԱԿԱՆ ՑԱՆՑԵՐԻՑ ՀԵՌՈՒ

Սքարլեթ Յոհանսոնը փորձում է հեռու մալ սոցիալական ցանցերից: Marvel-ի 38-ամյա աստղն ասել է, որ հրաժարվում է Instagram-ի նման հավելվածներից, քանի որ «չափազանց փխրուն մարդ է»: «Չեմ կարող: Իմ էգոն չափազանց փխրուն է», - ասել է նա The Skinny Confidential Him & Her փորձարթի մի դրվագում: «Իմ ուղեղը չափազանց փխրուն է: Ես նման եմ նուրբ ծաղիկի»: Նրա խոսքերով՝ առանց սոցիալական ցանցերի էլ կյանքը «բավականին անհանգիստ է»: «Ես «Ինստագրամ»-ում ժամանակ եմ անցկացրել երեք օրը մեկ անգամ ու հասկացել, որ վատնել եմ 20 րոպե՝ նայելով ինչ-որ մեկի Instagram-ին»: Դերասանուհին խոստովանել է, որ ունի հաշիվ մաշկի ինստիտուտի հարմարանքի The Outset-ի համար, բայց վստահ չէ, որ «այն ճիշտ է օգտագործում»: Այնուամենայնիվ, Յոհանսոնը խոստովանել է, որ թուլություն ունի TikTok-ի հանդեպ: Երկու երեխաների մայրը երբեմն սիրում է «սարսափելի տեսանյութեր» անել իր ապրանքանիշի համահիմնադիր Քեյթ Ֆոլթերի հետ հարթակի համար: «Մենք երկուսս էլ վատ ենք դրանում, բայց դա զվարճալի է», - կատակել է նա:

● Ապրիլի 8-ին Երեւանի պատանի հանդիսատեսի թատրոնում տեղի կունենա «Վերջին ուսուցիչը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ՎԱՐԿԵՐ

ՀԱՐՑ. Խնդրում եմ ասել՝ ուր դիմել, եթե վարկային դաստիարակությունը սխալ է, կամ առկա է բողոք բյուրոյի հանդեպ:

Լիաննա Կոստանյան (39 տարեկան)



ՊԱՏԱՍԽԱՆ. Լ. Կոստանյանի հարցին ի պատասխան՝ տեղեկացնում ենք, որ եթե վարկառուի վարկային պատմության մեջ առկա են սխալ կամ թերի տվյալներ, ապա պարզաբանման եւ ուղղման նպատակով վարկառուն, համաձայն «Վարկային տեղեկատվության շրջանառության եւ վարկային բյուրոյների գործունեության մասին» Հայաստանի Հանրապետության օրենքի 20-րդ հոդվածի դրույթների, կարող է այդ մասին տեղեկացնել վարկային բյուրոյին կամ ուղակիորեն դիմել տեղեկատվություն տրամադրող սուբյեկտներին (վարկային տեղեկատվության աղբյուրին):

Տեղեկացումը կարող է իրականացվել համապատասխան գրավոր դիմում վարկային բյուրոյին ներկայացնելու միջոցով կամ էլեկտրոնային եղանակով՝ առցանց ռեժիմում «Իմ ԱԶՌԱ» անձնական գրասենյակից: ԱԶՌԱ-ի կողմից տրամադրված վարկային զեկույցների վերաբերյալ հաճախորդների բողոքների ընդունման/ստացման, քննարկման եւ վերջիններիս արձագանքման գործընթացը, գործողությունների հաջորդականությունը սահմանվում է «Վեճերի լուծման ընթացակարգ»-ով:

ԱԶՌԱ վարկային բյուրո

«ԺՈՂՎՈՒՐԳ». Վարկային պատմության ձեւավորման աղբյուրներն են ԱԶՌԱ անդամ կազմակերպությունները (բանկերը, վարկային կազմակերպությունները, ապահովագրական ընկերությունները, հետաձգված վճարումներով գործարքներ իրականացնող կազմակերպությունները, ինչպես նաեւ հանրային տվյալների բազաներից ՀՀ կառավարության սահմանած կարգով վարկային բյուրոյին անձանց վերաբերյալ տեղեկություններ տրամադրող պետական մարմինները), որոնք տրամադրում են վարկային տեղեկատվության սուբյեկտի վերաբերյալ տեղեկություններ:

ՍՈՑԻԱԼԱԿԱՆ

ՀԱՐՑ. Ուզում եմ իմանալ, թե ինչ աջակցող միջոցներ են սրամադրվում հաճախորդներին եւ սոցիալական այլ կարգավիճակ ունեցող անձանց:
Կորյուն Առաքելյան (72 տարեկան)



ՊԱՏԱՍԽԱՆ. Հաշմանդամություն եւ սոցիալական այլ կարգավիճակ ունեցող անձանց տրամադրվում են պրոթեզներ (վերին եւ ստորին վերջույթի), կրծքագեղձի էկզոպրոթեզ, ակնազնդի պրոթեզ, ծայրահաստի սարքեր/պրոթեզներ, օրթեզներ, անվասայլակներ, գուլպաներ (անդամահատված ծայրատի համար), լսողական սարքեր, լսողական սարքերի անհատական ներդիրներ, աղեկապեր, սեղմիրաններ, հենակներ, ձեռնափայտեր, քայլակներ, ծնկակալեր, ռեկլինատորներ, կոշիկներ (օրթոպեդիկ, պրոթեզի, օրթեզի):

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Գնահատված կարիքների համաձայն՝ խնամքի ծառայությունները տրամադրվում են ծերության սոցիալական կենսաթոշակի տարիքի հասած կամ 18 տարին լրացած միայնակ (ՀՀ օրենսդրությամբ նախատեսված խնամող չունեցող կամ ընտանիքում աշխատունակ անդամ չունեցող) հաշմանդամներին:

ԼՈՒՐ ԿԱԴՐ

Լուսանկարը՝ համացանցից



Սան Դիեգոյի շրջանային վերահսկիչ խորհուրդն ապրիլի 4-ին միաձայն ընդունել է հռչակագիր՝ 2023 թ.-ի ապրիլի 24-ը հայտարարելով Հայոց ցեղասպանության հիշատակի օր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 + 4 + 8 + 13
Կոտայքի լեռներ	0 + 3 + 7 + 11
Կոտայքի նախալեռներ	+ 6 + 8 + 13 + 15
Գեղարքունիք	0 + 3 + 7 + 10
Լոռի	+ 1 + 5 + 12 + 15
Տավուշ	+ 5 + 9 + 13 + 16
Արագածոտնի լեռներ	0 + 3 + 8 + 10
Արագածոտնի նախալեռներ	+ 4 + 7 + 13 + 16

Արարատ	+ 8 + 10 + 18 + 20
Արմավիր	0 + 2 + 9 + 11
Վայոց ձորի լեռներ	+ 7 + 9 + 18 + 20
Վայոց ձորի նախալեռներ	+ 9 + 13 + 18 + 21
Սյունիքի հովիտներ	+ 8 + 9 + 18 + 21
Սյունիքի նախալեռներ	+ 3 + 6 + 18 + 21
Արցախ	+ 8 + 11 + 15 + 19
Երեւան	+ 7 + 9 + 17 + 19

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 6.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: